



Композиторлар одағына мүше болды

Арқалық қаласының Құрметті азаматы, өнер жанашыры, Кәки АҚАНҒА Қостанай облыстық «Композиторлар одағы» ҚБ-нің куәлігі табыс етілді.

Мұндай мәртебелі атақ Кәки ШӘРІПҰЛЫНА қаламызда өткен дәстүрлі облыстық «Өнеріміз саған, Қазақстан!» аталатын XXXV ші көркемөнерпаздар фестивалінде салтанатты түрде берілді.

Кәки ШӘРІПҰЛЫ жастайынан өнерге бейім болған. Мектеп жанындағы көркемөнерпаздар үйірмесінің белгілі домбырашысы, кейін Аманкелді аудандық Мәдениет үйіне көркемдік жетекші қызметіне тағайындалады. Одан соң Қостанай қаласынан баян аспабының курсы тәмамдайды. Қобызшы Қазбек, әнші Құтжан ағаларымен бірге ауданның мәдениетін, өнерін көтеруге үлкен үлес қосқан. Аудандық ұлттық оркестрдің бас домбырашы-

сы болып, көпті өнерімен тәнтетті.

Өмір жолында сан салада жауапты қызметтер атқара жүріп, өнерден қол үзген жоқ Зейнетке шыққан соң да, өз жетекшілік еткен Арқалық қалалық ардагерлер ұйымы жанынан «Қазына» көркемөнерпаздар ұйымын құрып, облыс көлемінде танылды.

Өзі туып – өскен Аманкелді ауданының 90 жылдық тойына арнап «Алтын ұя бесігім» әнін жазған. Мұнан бөлек әр жылдары жазған: «Елім менің», «Қаһарманым, ерлерім», «Арқалық астанасы Торғайымның», «Ардагерлер әні», «Мен бақытты қазақпын» өлең – әндері түрлі сахналарда орындалып жүр.

Осылайша, өңірдің өнері мен мәдениетін дамытуға зор үлес қосқан Кәки ағамыз облыстық композиторлар одағына мүше болып отыр. Кәки ШӘРІПҰЛЫ осы марапатымен құттықтай отырып, мықты денсаулық ұзақ ғұмыр тілейміз!